

Rau: Cov mejiyig, xibfwb thiab neeg ua num

Tuaj ntawm: Lub *Office of Strategic Communication*

Txog: Mnookin yuav tawm mus ua tus thawj tswj hwm rau *Columbia University*

Hnub: Ib Hlis tim 25, 2026

Thaum lub caij kawm ntawv xaus, *Chancellor* Jennifer L. Mnookin yuav tawm hauv *University of Wisconsin–Madison* mus [ua tus thawj tswj hwm rau *Columbia University*](#) nyob hauv New York City.

Mnookin, yog ib tug teb chaws pom txawj, tau yog tus *chancellor* hauv UW–Madison txij thaum lub Yim Hli xiab 4, 2022. Ua ntej los rau hauv Madison, nws yog tus *dean* nyob hauv *University of California, Los Angeles Law School*.

Lub caij nws los ua tus thawj, lub tsev kawm ntawv muaj npe zoo ntxiv nyob hauv lub teb chaws, ua rau cov mejiyig kawm tau zoo, pab thov tau nyiaj ntau thiab pab ua UW–Madison yog ib lub tsev kawm ntawv them taus thiab coob tus cov mejiyig hauv Wisconsin nkag tau.

“Lub caij nws los ua txoj haujlwm no, *Chancellor* Jennifer Mnookin tau sib zog, yuav tsum ua kom tau xwb thiab ua tib zoo xyuas coj lub tsev kawm ntawv. Tam li nws yuav mus ua txoj haujlwm tshiab rau ib lub tsev kawm ntawv qib siab muaj npe, peb ua nws tsaug rau nws tej kev pab thiab vam kom nws tsuas ua tau zoo ntxiv rau tom ntej xwb,” Jay Rothman, tus *president of the Universities of Wisconsin* hais.

Rothman hais tias nws yuav muab ib tug los ua tus coj UW–Madison me ntsis sai thiab yuav pib nrhiav ib tug tshiab los ua tus coj thaum xyoo no yuav tas.

“Nws yog ib qho kuv hwm tau yog ib tug ntawm Wisconsin tsev neeg. Kuv zoo siab heev rau cov peb sib koom ua tau, txawm tias nyob rau lub caij muaj ntau yam cov nyom txog kev kawm qib siab, thiab kuv paub muaj ntau yam zoo yav tom ntej rau ib tsoom hauv tsev kawm ntawv UW–Madison,” Mnookin hais.

“Lub caij kuv ua haujlwm rau hauv UW–Madison tau yog ib lub caij pauv rau kuv txoj sia thiab ntau yam yog los ntawm cov kev txawj thiab sib zog ua num ntawm cov xibfwb, mejiyig thiab neeg ua haujlwm uas hu peb lub tsev kawm ntawv tias yog qhov chaw nyob, thiab yog cov muab qhov *Wisconsin Idea* los siv kom tau pab txoj sia. Kuv yuav sib zog ua haujlwm txhua hnub ua ntej kuv tawm thiab vam yuav koom nrog *President* Rothman, *the Board of Regents* thiab lwm tus kom muaj kev hloov mus tau zoo.”

Ua tsaug rau Mnookin thiab cov nws ua tau, tam cov *Universities of Wisconsin Board of Regents*, *Regents President* Amy B. Bogost hais tias: “Peb zoo siab heev ua *Chancellor*

Mnookin tsaug rau nws kev sib zog ua num thiab cov nws tau kho pauv tso tseg rau lub tsev kawm ntawv *University of Wisconsin*. Nws yog ib tug thawj coj muaj peev xwm ua tau ntau yam heev, txawm tias nyob rau lub caij muaj ntau yam nyuaj, uas txawv tshaj lwm tus. Kev sib zog txhawb qhov *Wisconsin Idea* ua rau peb txhua tus sib zog ua num thiab ua tau zoo dua qhov qub, thiab ua rau peb muaj kev nyabxeeb rau kev kawm uas nws tau ua npaj kom peb muaj zog tshaj rau yav tom ntej.”

Twg daim muaj tag nrho hauv: <https://news.wisc.edu/mnookin-to-assume-presidency-at-columbia-university/>